



Llywodraeth Cymru
Welsh Government

Pecyn gwybodaeth i ymgeiswyr

Chwaraeon Cymru

Penodi Aelod o'r Bwrdd

Dyddiad cau: 16 Mehefin 2023



**The Commissioner for
Public Appointments**

Chwaraeon Cymru

Cynnwys

Tudalen

Gwneud Cais

2-5

Atodiad A: Rôl Aelod o'r Bwrdd

Atodiad B: Rôl a chyfrifoldebau Chwaraeon Cymru

Atodiad C: Y broses ddewis

9-10

Chwaraeon Cymru

GWNEUD CAIS

Diolch am fynegi diddordeb yn y penodiad i fod yn aelod o Fwrdd Chwaraeon Cymru. Mae'r Atodiadau sydd ynghlwm yn rhoi manylion rôl Aelodau'r Bwrdd a manyleb y person, rôl a chyfrifoldebau Chwaraeon Cymru a'r broses ddewis.

Os ydych am wneud cais, ewch i wefan penodiadau cyhoeddus Llywodraeth Cymru.

I ymgeisio am y swydd hon, cliciwch ar swydd Aelod o'r Bwrdd ac yna cliciwch ar y botwm 'Gwneud cais' ar waelod y dudalen ar yr ochr chwith.

Y tro gyntaf y byddwch yn gwneud cais am swydd, bydd angen ichi llenwi ffurflen i gofrestru ar system ymgeisio ar-lein Llywodraeth Cymru. Dim ond unwaith y bydd angen ichi gofrestru, a thrwy wneud byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy'ch cyfrif.

Ar ôl ichi gofrestru, bydd y ffurflen gais ar gael i chi i'w llenwi. I wneud cais, bydd angen ichi lanlwytho datganiad personol a CV i adran 'Rhesymau dros wneud cais' y ffurflen gais ar-lein.

Datganiad Personol

Eich datganiad personol yw'ch cyfle i ddangos sut yr ydych yn bodloni'r holl feini prawf a nodir ym manyleb y person. Chi sydd i benderfynu sut i gyflwyno'r wybodaeth. Fodd bynnag, dylech geisio rhoi enghreifftiau manwl sy'n dangos sut y mae'ch gwybodaeth a'ch profiadau yn cyd-fynd â phob maen prawf, ac sy'n disgrifio'ch cyfraniad at gyflawni canlyniad penodol. Bydd yn helpu'r panel dewis hefyd os gallwch nodi'n glir pa dystiolaeth sy'n berthnasol i ba faen prawf. Mae'n arferol neilltuo paragraff ar wahân ar gyfer pob maen prawf.

Ni ddylai'r datganiad personol fod yn hwy na dwy dudalen. Gallai eich cais gael ei wrthod os byddwch yn mynd dros y terfyn hwn.

CV

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd hon. Nodwch unrhyw benodiadau Gweinidogol presennol neu flaenorol.

Amserlen fras

Dyddiad cau:	16 Mehefin
Llunio rhestr fer:	03 Gorffennaf
Cyfweliadau:	w/c 24 Gorffennaf

Datganiad Amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu cymdeithas Cymru – pobl o bob cefndir – er mwyn eu helpu i ddeall anghenion pobl a gwneud penderfyniadau gwell. Dyma pam mae Llywodraeth Cymru yn annog ystod eang ac amrywiol o unigolion i wneud cais am gael eu penodi i gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl dduon, Asiaidd ac ethnig leiafrifol, pobl anabl a phobl lesbiaidd, hoyw, deurywiol a thrawsryweddol.

Chwaraeon Cymru

Hyderus o ran Anabledd

Mae Llywodraeth Cymru yn derbyn y diffiniad cymdeithasol o anabledd, sy'n cydnabod bod rhwystrau mewn cymdeithas yn gallu analluogi pobl sydd â nam neu gyflwr iechyd, neu sy'n defnyddio laith Arwyddion Prydain. Rydym wedi ymrwymo i ddileu rhwystrau fel y gall pob aelod o staff berfformio ar ei orau. Mae Deddf Cydraddoldeb 2010 yn defnyddio'r diffiniad meddygol o anabledd ("nam corfforol neu feddyliol sy'n cael effaith sylweddol a hirdymor ar allu person i gyflawni gweithgareddau arferol o ddydd i ddydd").

Rydym yn gwarantu cyfweld ag unrhyw un sy'n anabl cyn belled â bod ei gais yn bodloni'r meini prawf sylfaenol ar gyfer y swydd. Mae bodloni'r 'meini prawf sylfaenol' yn golygu bod rhaid ichi ddarparu tystiolaeth yn eich cais i ddangos eich bod yn bodloni'r lefel ofynnol ar gyfer pob cymhwysedd. Mae'n rhaid ichi hefyd feddu ar unrhyw gymwysterau, sgiliau neu brofiadau a ddiffinnir yn rhai hanfodol.

Rydym wedi ymrwymo i gyflogi pobl anabl a datblygu eu gyrfa. Os hoffech chi i ni addasu'r broses recriwtio ar eich cyfer, cysylltwch â publicappointments@gov.wales.

Os oes gennych amhariad neu gyflwr iechyd, neu os ydych yn defnyddio laith Arwyddion Prydain, ac yn dymuno trafod addasiadau rhesymol ar gyfer unrhyw ran o'r broses recriwtio hon, cysylltwch â publicappointments@gov.wales cyn gynted â phosibl, a bydd aelod o'r tîm yn cysylltu â chi i drafod eich gofynion ac i ateb eich cwestiynau.

Cysylltiadau:

I gael rhagor o wybodaeth am y broses ddewis, cysylltwch â:

Penodiadau Cyhoeddus

Uned Cyrff Cyhoeddus

E-bost: publicappointments@gov.wales

I gael rhagor o wybodaeth am rôl Chwaraeon Cymru a rôl yr Is-gadeirydd, cysylltwch â Liam Hull, Pennaeth Perfformiad Corfforaethol Chwaraeon Cymru:

Ffôn: 029 2033 8249

E-bost: liam.hull@sport.cymru

Os oes angen rhagor o gymorth arnoch chi i wneud cais am y rôl hon, cysylltwch â penodiadaucyhoeddus@llyw.cymru

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus

PENODI AELOD I FWRDD CHWARAEON CYMRU

Disgrifiad o'r rôl a manyleb y person

Bwrdd Chwaraeon Cymru sy'n arwain ac yn llywodraethu Chwaraeon Cymru ac yn gwneud y gwaith pwysig o graffu ar holl fuddsoddiadau a gweithgareddau Chwaraeon Cymru. Y Bwrdd hefyd sy'n pennu amcanion y dyfodol.

Ar hyn o bryd mae gan y Bwrdd 12 Aelod, gan gynnwys y Cadeirydd, y Farwnes Tanni Grey-Thompson.

Bydd Aelodau'r Bwrdd yn atebol fel unigolion ac ar y cyd i Lywodraeth Cymru drwy Ddirprwy Weinidog y Celfyddydau, Chwaraeon a Thwristiaeth.

Rôl Aelod o'r Bwrdd

- Deall manteision chwaraeon a gweithgarwch corfforol ynghyd â'u manteision positif i gymdeithas, gan hyrwyddo'r manteision hynny;
- Meddu ar weledigaeth glir ynghylch sut y gall Chwaraeon Cymru barhau i gyfrannu fel y prif gorff sy'n rhoi polisi chwaraeon y Llywodraeth ar waith a thrwy hynny, ddeall Llywodraeth Cymru a sut y mae'r sector cyhoeddus yng Nghymru'n gweithio;
- Meddu ar sgiliau craffu a dadansoddi ardderchog i gefnogi a herio'r Weithrediaeth yn effeithiol, gan sicrhau bod Chwaraeon Cymru yn cyrraedd ei amcanion, ei nodau a'i dargedau perfformiad;
- Sicrhau bod Chwaraeon Cymru'n rhoi gwerth ei arian gan gadw at fframwaith arfer gorau, rheoleidd-dra a phriodoldeb;
- Cymryd rhan yn y broses gynllunio gorfforaethol, gan gynnwys cymeradwyo cynlluniau cyllideb blynyddol ar gyfer rhaglenni gweithredol a gweithgareddau corfforaethol;
- Deall Saith Egwyddor Bywyd Cyhoeddus Nolan ac ymrwymo iddynt;
- Arfer safonau uchel o safbwynt priodoldeb ac wrth ymdrin ag arian cyhoeddus;
- Meddu ar ddealltwriaeth dda o gyfrifoldeb corfforaethol a rheoli risg i sicrhau bod gweithgareddau Chwaraeon Cymru yn cael eu cynnal yn effeithiol ac effeithlon;
- Meddu ar feddwl ymchwilgar, sgiliau gwrandao da a'r gallu i ddeall sefyllfaoedd ac adroddiadau cymhleth;
- Meddu ar barodrwydd ac ymrwymiad i fynychu cyfarfodydd y Bwrdd a gweithgareddau pwysig rhwng cyfarfodydd a chymryd rhan amlwg ynddynt;
- Bod yn wleidyddol annibynnol;
- Penodi Prif Weithredwr, os oes angen, ar ôl cael sêl bendith Llywodraeth Cymru.

Chwaraeon Cymru

MANYLEB Y PERSON

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o'r meini prawf sy'n hanfodol ar gyfer y penodiad.

Meini Prawf Hanfodol

- Deall bywyd cyhoeddus ac egwyddorion llywodraeth dda;
- Sgiliau cyfathrebu rhagorol a hanes o weithio gydag eraill i wireddu amcanion;
- Y gallu i feddwl yn rhesymegol ac yn wrthrychol wrth ddadansoddi gwybodaeth gymhleth er mwyn medru adnabod cnewyllyn y mater a gwneud penderfyniadau da;
- Ymrwymiad amlwg i gynyddu lefelau gweithgarwch corfforol ledled Cymru;
- Deall cymunedau amrywiol Cymru ac ymrwymiad i hyrwyddo amrywiaeth;
- Profiad fel uwch swyddog o o leiaf un o'r canlynol:
 - Archwilio a rheoli risg.
 - Rheolaeth gorfforaethol, gyda ffocws ar werth am arian a chyflawni.
 - Defnyddio technoleg ddigidol ac arloesedd mewn chwaraeon a hamdden egnïol.
 - Cysylltiadau cyhoeddus a chyfathrebu.
 - Mynd i'r afael ag anghydraddoldeb trwy ennyn diddordeb y rheini sydd wedi'u dadrithio.

Y Gymraeg

Bydd sgiliau Cymraeg yn hanfodol ar gyfer **un** o Aelodau'r Bwrdd, at y lefel a nodir isod:

Deall - yn gallu deall y rhan fwyaf o sgysiau sy'n ymwneud â'r gwaith.
Darllen - yn gallu darllen y rhan fwyaf o ddeunydd syn ymwneud â'r gwaith.
Siarad - yn gallu cyfrannu at y rhan fwyaf o sgysiau sy'n ymwneud â'r gwaith.
Ysgrifennu - yn gallu paratoi deunydd pob dydd sy'n ymwneud â'r gwaith o gael rhywun i'w wirio.

Bydd gofyn i'r ymgeisydd ddangos tystiolaeth o'i sgiliau Cymraeg fel rhan o'r broses recriwtio.

Ystyrir bod Sgiliau Cymraeg yn 'ddymunol' ar gyfer tri Aelod arall y Bwrdd, at y lefel a nodir isod.

Deall – yn gallu deall rhannau o sgwrs elfennol.
Darllen – dim sgiliau
Siarad – yn gallu cynnal sgwrs elfennol yn y Gymraeg.
Ysgrifennu - dim sgiliau.

Chwaraeon Cymru

Mae hyn yn golygu y byddai'n fantais i ymgeisydd pe bai'n gallu deall a siarad rhannau o sgwrs elfennol yn y Gymraeg cyn belled â'i fod wedi bodloni'r holl feini prawf hanfodol eraill.

Ffeithiau allweddol am y swydd

Lleoliad:	Cynhelir cyfarfodydd ledled Cymru ac ar-lein
Ymrwymiad Amser:	2 ddiwrnod y mis
Hyd y penodiad:	Penodiad cychwynnol o dair blynedd, gellir ei hadnewyddu unwaith
Cyflog:	£282 y dydd

Pwy sy'n gymwys i wneud cais

Dylai ymgeiswyr nodi hefyd bod aelodaeth o Chwaraeon Cymru yn anghymhwysu rhywun rhag bod yn aelod o'r Senedd o dan Orchymyn Senedd Cymru (Anghymhwysu) 2020. [Gorchymyn Senedd Cymru \(Anghymhwysu\) 2020 \(legislation.gov.uk\)](https://legislation.gov.uk).

Gwrthdaro Buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Aelod o Fwrdd Chwaraeon Cymru, gan gynnwys buddiannau busnes neu swyddi o awdurdod y tu allan i'r rôl.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

Diwydrwydd Dyladwy

Bydd Uned Cyrff Cyhoeddus Llywodraeth Cymru yn cynnal archwiliadau diwydrwydd dyladwy ar bob ymgeisydd sy'n cael ei ddewis i gyfweiliad. Bydd hynny'n cynnwys ymhlith pethau eraill, chwiliadau yn y cyfryngau cymdeithasol a'r Rhyngwrdd. O ganlyniad, gallem ofyn cwestiynau ichi yn y cyfweiliad am ffrwyth yr archwiliadau diwydrwydd dyladwy hyn.

Safonau mewn bywyd cyhoeddus

Bydd disgwyl ichi arddangos safonau uchel o ymddygiad corfforaethol a phersonol. Bydd gofyn i'r holl ymgeiswyr llwyddiannus gydymffurfio â Chod Ymddygiad Aelodau Byrddau Cyrff Cyhoeddus.

<https://www.gov.uk/government/publications/code-of-conduct-for-board-members-of-public-bodies>

Ni ddylai gweision sifil gamddefnyddio eu safle swyddogol na'r wybodaeth a gânt wrth wneud eu dyletswyddau swyddogol i hyrwyddo eu buddiannau preifat na buddiannau pobl eraill. Gall gwrthdaro buddiannau godi o fuddiannau ariannol ac yn ehangach o ymwneud yn swyddogol ag unigolion sy'n rhannu buddiannau preifat gwas sifil (er enghraifft seiri rhyddion, aelodaeth o gymdeithasau, clybiau a sefydliadau eraill, a theulu). Pan fo gwrthdaro buddiannau'n codi, rhaid i weision sifil ddatgan eu diddordeb i uwch reolwyr fel y gall uwch reolwyr benderfynu ar y ffordd orau o fwrw ymlaen.

Telerau'r Penodiad

Caiff y penodiad ei wneud gan Ddirprwy Weinidog y Celfyddydau, Chwaraeon a

Chwaraeon Cymru

Thwristiaeth ar ran Llywodraeth Cymru. Bydd y penodiadau'n para am gyfnod o dair blynedd, a gellir ailbenodi am gyfnod arall o dair blynedd. Adolygir perfformiad Aelodau'r Bwrdd bob blwyddyn gan y Cadeirydd.

Cyfarfodydd y Bwrdd

Cynhelir cyfarfodydd y Bwrdd ar-lein ac mewn mannau gwahanol ar hyd a lled Cymru. Mae Bwrdd Chwaraeon Cymru yn cyfarfod o leiaf bum gwaith y flwyddyn, gydag o leiaf dau o'r cyfarfodydd hynny yng Nghaerdydd. Staff Chwaraeon Cymru sy'n darparu'r ysgrifenyddiaeth yng nghyfarfodydd y Bwrdd. Mae gan y Bwrdd hefyd nifer o weithgorau a phaneli.

Hyfforddiant Cynefino

Bydd gofyn i'r ymgeiswyr llwyddiannus fynd i sesiwn gynefino yn Chwaraeon Cymru.

RÔL A CHYFRIFOLDEBAU CHWARAEON CYMRU

Chwaraeon Cymru yw'r sefydliad cenedlaethol sy'n gyfrifol am ddatblygu a hyrwyddo chwaraeon a gweithgarwch egnïol yng Nghymru. Nod Chwaraeon Cymru yw gwella lefel y gyfranogaeth mewn chwaraeon ar lawr gwlad ond gan roi'r gefnogaeth sydd ei hangen hefyd ar athletwyr uchelgeisiol i gystadlu'n llwyddiannus ar lwyfan y byd.

Sefydlwyd Cyngor Chwaraeon Cymru ym 1972 trwy Siarter Frenhinol. Y pedwar amcan a nodwyd pan sefydlwyd Cyngor Chwaraeon Cymru (a adwaenir bellach fel Chwaraeon Cymru) yw :

- Cynyddu'r niferoedd sy'n cymryd rhan mewn chwaraeon a gweithgareddau hamdden egnïol;
- Codi safonau mewn perfformiad a rhagoriaeth;
- Gwella'r ddarpariaeth o ran cyfleusterau chwaraeon;
- Darparu gwybodaeth a chyngor technegol am chwaraeon, hamdden a ffyrdd egnïol o fyw.

I weld y Siarter Frenhinol, cliciwch yma: <https://www.sport.wales/download/file/172/>

Chwaraeon Cymru yw prif gynghorydd Llywodraeth Cymru ar chwaraeon ac mae'n cefnogi ei blaenoriaethau strategol drwy'r Weledigaeth ar gyfer Chwaraeon yng Nghymru a Strategaeth Chwaraeon Cymru. Mae blaenoriaethau gweithredol a thargedau perfformiad Chwaraeon Cymru yn cael eu llywio gan lythyr cylch gwaith Tymor y Llywodraeth oddi wrth Ddirprwy Weinidog y Celfyddydau, Chwaraeon a Thwristiaeth sy'n nodi ei blaenoriaethau strategol a pholisïau a chynlluniau gweithredu penodol, a'r polisïau a'r blaenoriaethau ehangach yn y Rhaglen Lywodraethu. Mae ganddo hefyd ystod o ddyletswyddau a chyfrifoldebau statudol, gan gynnwys o dan Ddeddf Llesiant Cenedlaethau'r Dyfodol (2015), Deddf Cydraddoldeb (2010), a Mesur y Gymraeg (Cymru) 2011.

Corff a Noddir gan Lywodraeth Cymru yw Chwaraeon Cymru, ac fe'i ariennir yn bennaf trwy gymorth grant gan Lywodraeth Cymru. Mae hefyd yn gyfrifol am ddosbarthu cyllid o'r Loteri Genedlaethol i chwaraeon yng Nghymru. Mae'n cynnal dwy ganolfan genedlaethol, yng Nghaerdydd ac ym Mhlas Menai yng ngogledd Cymru.

Gallwch ddysgu mwy am Chwaraeon Cymru ar [Beth yw Chwaraeon Cymru](#).

Y BROSES DDEWIS

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael ei wahodd i gyfweiliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Gofalwch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Bydd y panel dewis yn cael ei gadeirio gan Steffan Roberts, Dirprwy Gyfarwyddwr Datblygu Twristiaeth a Chwaraeon yn Llywodraeth Cymru. Bydd hefyd yn cynnwys Tanni Grey-Thompson, Cadeirydd Chwaraeon Cymru ac Ian Jones, Pennaeth Hamdden Cyngor Sir Caerfyrddin.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel wedi penderfynu ym mis Gorffennaf 2023 pwy fydd yn cael eu gwahodd i gyfweiliad ym mis Awst 2023. Ein bwriad yw cynnal y cyfweiliadau ar-lein.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweiliad. Fodd bynnag, os ydych wedi ymgeisio o dan y cynllun gwarantu cyfweiliad, a'ch bod yn **bodloni'r meini prawf hanfodol** ar gyfer y swydd, cewch chithau hefyd eich gwahodd i gyfweiliad.

Os cewch eich gwahodd i gyfweiliad ac os nad yw'r dyddiad eisoes wedi'i nodi yn y pecyn gwybodaeth hwn, byddwn yn ceisio rhoi cymaint o rybudd â phosibl ichi o ddyddiad y cyfweiliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu os na fydd y panel dewis ar gael.

Fe gewch e-bost gan system benodi Llywodraeth Cymru i roi gwybod ichi a ydych wedi eich gwahodd i gyfweiliad ai peidio.

Os cewch eich gwahodd i gyfweiliad, bydd y panel yn eich holi am eich sgiliau a'ch profiad ac yn gofyn cwestiynau penodol i asesu a ydych yn **bodloni meini prawf** y swydd.

Bydd yr ymgeiswyr y bydd y panel yn credu eu bod yn addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Gall y Dirprwy Weinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwlch amser rhwng y cyfweiliad a'r penderfyniad penodi terfynol. Bydd yr ymgeiswyr fydd wedi'u cyfweld yn cael gwybod hynt y broses.

Chwaraeon Cymru

Os byddwch yn llwyddiannus, cewch lythyr yn eich penodi'n Aelod o Fwrdd Chwaraeon Cymru, a bydd y llythyr hwnnw'n cadarnhau amodau eich penodi.

Os na fyddwch yn llwyddiannus yn eich cyfweiliad, byddwch yn cael gwybod drwy ganolfan ymgeisio Llywodraeth Cymru. Rydym yn gwerthfawrogi bod ymgeisio am swyddi'n gofyn wrth lawer o amser ac ymdrech, ac felly mae rhoi adborth yn rhan werthfawr o'r broses. Felly, bydd y llythyr yn cynnwys manylion yr unigolyn y gallwch gysylltu ag ef i gael adborth am eich cyfweiliad a'ch cais, os dymunwch wneud hynny.

Ymholiadau

Oes gennych gwestiynau am eich cais, cysylltwch â PenodiadauCyhoeddus@llyw.cymru.

Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â PenodiadauCyhoeddus@llyw.cymru.

Gallwch hefyd ysgrifennu at: Swyddfa'r Comisiynydd Penodiadau Cyhoeddus G/08, 1 Horse Guards Road, Llundain SW1A 2HQ.